



Broj: 13-11-4-11129/25
Sarajevo, 15.01.2026. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinska načelnica d o n o s i

ODLUKU
o poništenju postupka javne nabavke

I

Poništava se postupak javne nabavke „Vršenje stručnog nadzora nad izvođenjem radova na realizaciji investicionih projekata“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka, a pokrenut je na osnovu Odluke Općinske načelnice broj: 13-11-4-11129/25 od 20.11.2025. godine.

Procijenjena vrijednost javne nabavke sa PDV-om je: 50.000,00 KM (slovima: pedesethiljada i 00/100 konvertibilnih maraka).

Obavještenje o javnoj nabavci broj: 935-1-2-216-3-310/25 objavljeno je na Portalu javnih nabavki dana 04.12.2025. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-30-5-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda vidljivo je su do dana 24.12.2025. godine, pristigle ponude sljedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	SMAJIĆ INŽENJERING d.o.o. Goražde	17.111,25 KM
2.	Modul Arhitektura d.o.o. Sarajevo	37.990,00 KM
3.	Radis d.o.o. I. Sarajevo	19.890,00 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponuda ponuđača Radis d.o.o. I. Sarajevo je **prihvatljiva** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Analizom cijene ponude ponuđača SMAJIĆ INŽENJERING d.o.o. Goražde je konstatovano da ista sadrži računsku grešku. U skladu sa odredbama člana 9.5.1. tenderske dokumentacije ponuđaču SMAJIĆ INŽENJERING d.o.o. Goražde je poslano obavještenje o ispravci računske greške.

Ponuđač nije prihvatio, u zahtijevanom roku, ispravku računske greške, već je dostavio svoju ispravku greške u kojoj je izmijenio jediničnu cijenu, što je suprotno sa članom 17. stav (5) Uputstva za pripremu modela tenderske dokumentacije i ponuda (Službeni glasnik BiH, br. 90/14 i 20/15) kojim je definisano da: „Jedinična cijena stavke se ne smatra računskom greškom, odnosno ne može se ispravljati“.

Ponuda ponuđača SMAJIĆ INŽENJERING d.o.o. Goražde nakon ispravke računske greške iznosila je 171.112,50 (jednastotinasedamdesetjednihiljadajednastotinadvanaest i 50/100 konvertibilnih maraka) KM sa PDV-om.

Ponudu ponuđača SMAJIĆ INŽENJERING d.o.o. Goražde Komisija je ocijenila kao **neprihvatljivu** iz sljedećeg razloga:

Ponuđač SMAJIĆ INŽENJERING d.o.o. Goražde je dostavio ponudu sa ukupnim iznosom ponuđene cijene koja je veća od procijenjene vrijednosti predmetne nabavke, te obezbijeđenih novčanih sredstava ugovornog organa za nabavku.

Iz naprijed navedenih razloga, ponuda ponuđača SMAJIĆ INŽENJERING d.o.o. Goražde se nije mogla uzeti u dalje razmatranje.

Ponudu ponuđača Modul Arhitektura d.o.o. Sarajevo Komisija je ocijenila kao **nepravilnu** iz sljedećih razloga:

Ugovorni organ je u okviru tačke 7.4.1. b) u dijelu tehničke i profesionalne sposobnosti zahtijevao sljedeće:

b) Da ponuđač u radnom odnosu sa punim radnim vremenom ima zaposlene (ili će angažovati za potrebe realizacije ugovora) najmanje:

- 2 diplomirana inženjera arhitekture
- 1 diplomiranog inženjera građevinske struke - konstruktivnog smjera,
- 1 diplomiranog inženjera građevinske struke - hidro smjer,
- 1 diplomiranog inženjera građevinske struke - saobraćajnog smjera,
- 1 diplomiranog inženjera građevinske struke – geotehničkog smjera (ili diplomiranog inženjera - građevinske struke – sa položenim stručnim ispitom iz oblasti geotehnike),
- 1 diplomiranog inženjera elektrotehnike - elektroenergetskog smjera,
- 1 diplomiranog inženjera elektrotehnike - telekomunikacijskog smjera ili automatike i elektronike
- 1 diplomiranog inženjera mašinstva,

Navedena lica moraju imati položenim stručnim ispitom iz navedene stručne oblasti, koji će biti imenovani za konkretne projekte.

U svrhu dokazivanja ispunjenosti uslova iz tačke b) ponuđači su dužni dostaviti sljedeće:

DOKAZ ZA b): Izjava ponuđača da u stalnom radnom odnosu sa punim radnim vremenom ima (ili će angažovati za potrebe realizacije ugovora) najmanje:

- 2 diplomirana inženjera arhitekture
- 1 diplomiranog inženjera građevinske struke - konstruktivnog smjera,
- 1 diplomiranog inženjera građevinske struke - hidro smjer,
- 1 diplomiranog inženjera građevinske struke - saobraćajnog smjera,
- 1 diplomiranog inženjera građevinske struke – geotehničkog smjera (ili diplomiranog inženjera -građevinske struke – sa položenim stručnim ispitom iz oblasti geotehnike),
- 1 diplomiranog inženjera elektrotehnike - elektroenergetskog smjera,
- 1 diplomiranog inženjera elektrotehnike - telekomunikacijskog smjera ili automatike i elektronike
- 1 diplomiranog inženjera mašinstva. (Dokument 5).

Napomena: Uz Izjavu dostaviti ovjerene kopije diplome (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) (Dokument 6) i uvjerenja o položenom stručnom ispitu iz navedenih oblasti za imenovana lica (Dokument 7).

Ponuđač Modul Arhitektura d.o.o. Sarajevo je u sklopu svoje ponude za diplomiranog inženjera građevine – saobraćajnog smjera, Adin Dedajić, dostavio nepravilnu dokumentaciju.

Naime, ponuđač je u svojoj ponudi dostavio diplomu za lice Adina Dedajića izdatu od strane Građevinskog fakulteta, Univerziteta u Bihaću od 02.10.2020.godine – Opći smjer, kao i uvjerenje o položenom stručnom ispitu broj 15.06.153-1490/24-G-3995/21 od 15.11.2021.godine iz oblasti građevinarstvo za obavljanje poslova izrada tehničke dokumentacije – faza niskogradnje i nadzor za navedeno lice.

Iz navedenog je vidljivo da ponuđač za navedeno lice nije dostavio diplomu i uvjerenje o položenom stručnom ispitu iz navedene oblasti, te se ponuda nije mogla uzeti u dalje razmatranje.

Rangiranje prihvatljivih ponuda prema kriteriju za izbor ponude:

Red. Br.	Naziv i sjedište ponuđača	Ukupna ponuđena cijena sa PDV-om
1.	Radis d.o.o. I. Sarajevo	19.890,00 KM

Zakonom o javnim nabavkama Bosne i Hercegovine u članu 32. stav (4) navodi se sljedeće: „Okvirni sporazum se zaključuje sa više ponuđača za isti predmet nabavke, te broj ponuđača sa kojima se zaključuje okvirni sporazum ne može biti manji od tri, pod uslovom da postoji dovoljan broj ponuđača. Okvirni sporazum se može zaključiti i sa dva ponuđača u slučaju ponavljanja postupka zbog nedovoljnog broja primljenih ponuda.“

Komisija za javne nabavke roba, radova i usluga je jednoglasno predložila Općinskoj načelnici da u skladu odredbama člana 69. stav (2) tačka c) Zakona o javnim nabavkama, jer nije dostavljen broj ponuda određen u članu 32. stav (4) ovog zakona, donese Odluku o poništenju postupka javne nabavke.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickipostlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



Iz navedenih razloga, primjenom člana 69. stav (2) tačka c) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

PO OVLAŠTENJU OPĆINSKE NAČELNICE
SEKRETARKA OPĆINSKOG

SLUŽBE



Artijana Galović